



## Opis posla za konsultanta/trenera za program ekonomskog osnaživanja žena s invaliditetom

*"Izrazi koji su radi preglednosti dati u jednom gramatičkom rodu u ovom dokumentu se bez diskriminacije odnose i na muškarce i na žene."*

**Pozicija:** Konsultant/trener za program ekonomskog osnaživanja žena sa invaliditetom u projektu „Ovdje sam - vidljiva i ponosna”

**Period:** Posao na određeno vrijeme

**Tip ugovora:** Ugovor o djelu

**Supervizor:** Regionalna koordinatorica MyRight, projekt koordinatorica MyRight

### O MYRIGHT-u

**MyRight – Empowers people with disabilities** je švedska je nevladina organizacija koja okuplja organizacije osoba s invaliditetom s ciljem sprovođenja programa podrške organizacijama osoba s invaliditetom širom svijeta.

MyRight-ova vizija je svijet u kojem sve osobe s invaliditetom uživaju jednaka prava i mogućnosti dostojanstvenog života bez siromaštva u inkluzivnim društvima.

Cilj rada MyRight-a u Bosni i Hercegovini je jačanje kapaciteta osoba s invaliditetom i njihovih organizacija da se efikasno zalažu za prava osoba s invaliditetom i osnažuju članove svojih ciljnih skupina.

### AKTIVNOSTI MYRIGHT-a NA JAČANJU ŽENA S INVALIDITETOM

U Bosni i Hercegovini žene s invaliditetom suočavaju se s brojnim izazovima koji značajno utiču na njihovo mentalno zdravlje i opštu dobrobit. Ovi izazovi uključuju, ali nisu ograničeni na diskriminaciju, lošu socioekonomsku situaciju, posljedice fizičke i/ili psihičke traume, ograničen pristup neophodnim uslugama što onemogućava njihovo učešće u društvenim aktivnostima zbog čega su često izolirane. S ciljem ublažavanja i rješavanja ovih problema MyRight sprovodi projekat "Ovdje sam - vidljiva i ponosna" (14104) kojeg finansira Švedska agencija za međunarodnu razvojnu saradnju Sida kroz ambasadu Švedske u Bosni i Hercegovini, a od 2023. godine i Fondacija Kahane.

Dosadašnji rad MyRight-a pokazao je značajan napredak u jačanju kapaciteta žena s invaliditetom. Kroz prethodni period implementacije projekta, žene su stekle veće samopouzdanje, postale aktivnije u forumima i organizacijama osoba s invaliditetom. Kontinuirano mentorstvo i psihosocijalna podrška je jedan od strateških pristupa za povećanu integraciju. Ipak, neophodna je veća podrška forumima žena i ženama s invaliditetom, za održavanje postignutih rezultata.

*Primarni cilj projekta je poboljšanje položaja žena i djevojaka s invaliditetom u Bosni i Hercegovini koji će se tokom 2024. godine između ostalog ostvariti poboljšanjem ekonomskog položaja kroz program osnaživanja i rada na izradi malih biznis planova.*

Imajući u vidu da se žene s invaliditetom suočavaju sa nekoliko izazova:



**Ograničen pristup tradicionalnim izvorima finansiranja:** Inicijative za podršku ženama s invaliditetom (ŽSI) često imaju teškoće u pristupu izvorima finansiranja, što može ograničiti njihove ekonomske aktivnosti.

**Ograničene ekonomske mogućnosti:** Žene s invaliditetom često se suočavaju s nedostatkom ekonomskih prilika. Problemi poput nedostupnih radnih mjesta, diskriminacije pri zapošljavanju i društvenih predrasuda otežavaju im pristup tržištu rada.

**Nedostatak vještina i znanja:** Mnoge ŽSI nemaju potrebne vještine i znanja za uspješno pokretanje i vođenje vlastitog poslovanja, što ih može spriječiti da iskoriste potencijalne ekonomske prilike.

Postavljen je cilj programa osnaživanja žena, putem kojeg se želi osigurati podrška ženama s invaliditetom kako bi prevladale ove prepreke i postigle ekonomsku samostalnost i prosperitet.

Ciljna grupa programa su žene s invaliditetom koje su članice foruma i prepoznaju važnost ekonomskih inicijativa za vlastiti napredak

## KLJUČNE AKTIVNOSTI KONSULTANTA I OČEKIVANI REZULTATI

Kao konsultant za program osnaživanja žena s invaliditetom, vaša uloga će obuhvatiti vođenje i podršku kroz sve faze programa, u bliskoj saradnji sa projektnim timom MyRight. Vaš glavni cilj će biti pružanje stručnog mentorstva i obuke za 15-20 mladih žena i aktivistkinja s invaliditetom, i ili organizacija koje ih predstavljaju, s fokusom na razvoj njihovih poslovnih planova i proizvoda.

Očekivani rezultati vašeg angažmana će biti uspješna realizacija svih planiranih treninga, razvoj i predstavljanje individualnih poslovnih planova učesnica, kao i unapređenje njihovih vještina i znanja potrebnih za vođenje vlastitog poslovanja. Kroz vaš rad, žene s invaliditetom će biti bolje pripremljene za uključivanje u ekonomske inicijative i samostalno vođenje svojih poslovnih poduhvata.

Očekivani rezultati su:

- Izrada jasnog poziva za učesnice:** U saradnji sa projektnim timom, definisaćete kriterije za učešće žena s invaliditetom u programu, osiguravajući da se privuku kandidatkinje koje su zainteresovane za razvoj poslovnih ideja i unapređenje svojih vještina.
- Izrada programa obuke:** Pripremićete detaljan dokument s konceptom programa obuke, uključujući agendu i neophodne materijale za treninge. Program će biti struktuiran tako da obuhvati tri dvodnevna treninga tokom projekta. Prvi trening će se fokusirati na uvod u poslovno planiranje i istraživanje tržišta, drugi na razvoj individualnih planova koji obuhvataju finansije i razvoj proizvoda, dok će se treći trening posvetiti marketingu, internet oglašavanju i podršci za izabrane poslovne planove.
- Vođenje treninga:** Organizovaćete i voditi svaki od planiranih treninga.
- Mentorska podrška:** Pružaćete kontinuiranu mentorsku podršku učesnicama između treninga putem različitih komunikacijskih kanala. Pratit ćete njihov napredak, pružati povratne informacije i pomoći u rješavanju specifičnih izazova s kojima se suočavaju.
- Studijska posjeta:** Pružit ćete podršku tokom organizovanja i realizovanja studijske posjete kao dio završnog treninga, fokusirajući se na praktične aspekte poslovanja i primjere dobre prakse.
- Razvoj materijala za obuku:** U saradnji s timom, kreiraćete materijale koji će podržati učesnice u njihovom poslovnom razvoju, osiguravajući da su prilagođeni njihovim potrebama i mogućnostima.
- Evaluacija i izvještavanje:** Na kraju programa, provesti ćete evaluaciju i pripremiti izvještaj s zaključcima, preporukama i rezultatima programa obuke, kako biste ocijenili uticaj programa i identifikovali mogućnosti za poboljšanje.



## KVALIFIKACIJE I ISKUSTVO

### Konsultant/trener treba imati sljedeće kvalifikacije i iskustvo:

- a. Iskustvo u vođenju sličnih programa usmjerenih na ekonomskog osnaživanje žena i osoba s invaliditetom.
- b. Poznavanje poslovnog planiranja i razvoja.
- c. Iskustvo u pružanju mentorska podrške i rada s marginalizovanim grupama.
- d. Razumijevanje pristupa invaliditetu sa stanovišta ljudskih prava. I upoznatost s Konvencijom o pravima osoba s invaliditetom.
- e. Dobre komunikacijske i međuljudske vještine za uspostavljanje odnosa i izgradnju povjerenja sa učesnicama programa ekonomskog osnaživanja.
- f. Poželjno posjedovanje certifikata o završenoj online obuci <https://www.who.int/teams/mental-health-and-substance-use/policy-law-rights/gr-e-training> (dostupan i na bosanskom jeziku).

Sve zainteresirane osobe koje ispunjavaju navedene uslove trebaju poslati:

- a. Biografiju (CV) u kojoj se jasno navodi stečeno relevantno obrazovanje, profesionalno iskustvo u pružanju ekonomskog osnaživanja žena. Obavezno navesti iskustvo u radu s osobama s invaliditetom i drugim socijalno ugroženim grupama.
- c. Kratku izjavu o ličnoj motivaciji za rad sa ženama s invaliditetom
- d. Tehničku i finansijsku ponuda koja se uklapa u okvirni Budžet MyRight-a čiji je maksimalni bruto iznos 16000,00 KM (iznos uključuje sve doprinose i druge obaveze).

**Rok za prijavu je najkasnije do 11. jula 2024.g. do 12:00h.**

Ponude treba dostaviti putem email-a na: [info@myright.ba](mailto:info@myright.ba)

Početak angažmana: Početkom augusta 2024

**Bit će kontaktirani samo kandidati čije ponude zadovolje sve kriterije i uđu u uži izbor.**